

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), a u skladu sa članom 18. Statuta Agencije za privatizaciju Zeničko-dobojskog kantona („Službene novine Zeničko-dobojskog kantona“, broj: 9/99), na prijedlog Upravnog odbora Agencije za privatizaciju Zeničko-dobojskog kantona, Vlada Zeničko-dobojskog kantona, na 12. sjednici, održanoj dana 24.03.2023. godine, d o n o s i

ZAKLJUČAK

I.

Ne prihvata se Izvještaj o radu Upravnog odbora Agencije za privatizaciju Zeničko-dobojskog kantona za 2022. godinu.

II.

Izvještaj iz tačke I. sastavni je dio ovog zaključka.

III.

Zaključak stupa na snagu danom donošenja.

PREMIJER

Broj: 02-_____/23
Datum, 24.03.2023. godine
Z e n i c a

Amra Mehmedić

DOSTAVLJENO:

1x Agencija za privatizaciju Zeničko-dobojskog kantona
1x Ministarstvo za privredu,
1x Upravni odbor Agencije za privatizaciju Zeničko-dobojskog kantona,
1x a/a.

**UPRAVNI ODBOR
AGENCIJE ZA PRIVATIZACIJU
ZENIČKO-DOBOJSKOG KANTONA**

IZVJEŠTAJ O RADU

**UPRAVNOG ODBORA AGENCIJE ZA PRIVATIZACIJU
ZENIČKO-DOBOJSKOG KANTONA ZA 2022. GODINU**

februar/veljača 2023. godine

SADRŽAJ

1. Uvod	3
2. Izvršenje programskih ciljeva Agencije	4
3. Normativni dio	4
4. Studijsko-analitički dio	5
5. Ostali poslovi i zadaci	5
6. Ocjena stanja i programska orijentacija.....	6

I – UVOD

Odredbama člana 10. stav 1. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01, 8/10 i 15/17), je propisano da Agencijom za privatizaciju Zeničko-dobojskog kantona upravlja Upravni odbor Agencije za privatizaciju Zeničko-dobojskog kantona.

Prema članu 13. navedenog Zakona, Upravni odbor Agencije za privatizaciju Zeničko-dobojskog kantona (u daljem tekstu: Upravni odbor Agencije), donosi Statut i druge opće akte, Poslovnik o radu, akta o unutarnjem ustrojstvu Agencije, finansijski plan i program, razmatra i usvaja završni račun i izvještaj o radu Agencije, odobrava početni bilans i program privatizacije preduzeća, donosi metodologiju i druga opća akta iz nadležnosti Agencije suglasno zakonu, osniva komisije i radna tijela Agencije, te obavlja i druge poslove saglasno zakonu i statutu Agencije.

Prema članu 13. stav 2. Zakona o Agenciji za privatizaciju Zeničko-dobojskog kantona, statut, akta o unutarnjem ustrojstvu Agencije, finansijski plan i program, donose se uz saglasnost Vlade Zeničko-dobojskog kantona.

Temeljem odredbi člana 14. Statuta Agencije za privatizaciju Zeničko-dobojskog kantona („Službene novine Zeničko-dobojskog kantona“, broj: 9/99), propisane su nadležnosti Upravnog odbora Agencije, koji u odnosu na nadležnosti propisane Zakonom o Agenciji za privatizaciju Zeničko-dobojskog kantona, između ostalog propisuju, da Upravni odbor Agencije donosi Pravilnik o plaćama i drugim primanjima radnika, te odluku o naknadama za rad i angažman članova organa Agencije (Upravni odbor i Nadzorni odbor Agencije), koji akti se donose uz suglasnost Vlade Zeničko-dobojskog kantona, shodno stavu 2. navedenog člana Statuta Agencije za privatizaciju Zeničko-dobojskog kantona.

Upravni odbor Agencije za privatizaciju Zeničko-dobojskog kantona, imenuje Vlada Zeničko-dobojskog kantona, i za svoj rad je odgovoran Vladi Kantona.

Rješenjem Vlade Zeničko-dobojskog kantona, broj: 02-30-15072/21 od 11.11.2021. godine, za predsjednika i člana Upravnog odbora Agencije, na period od 2 (dvije) godine, konačno su imenovani:

1. Jasminka Biogradlija, predsjednica i
2. Ivo Majstorović, član.

Rješenjem Vlade Zeničko-dobojskog kantona, broj: 02-30-860/22 od 13.01.2022. godine, uslijedilo je konačno imenovanje drugog člana Upravnog odbora Agencije, kojim Rješenjem je, na tu poziciju imenovan Zahid Piljug. Mandat imenovanog traje do isteka mandata predsjednika i člana Upravnog odbora Agencije za privatizaciju Zeničko-dobojskog kantona imenovanih Rješenjem o konačnom imenovanju predsjednika i člana Upravnog odbora Agencije za privatizaciju Zeničko-dobojskog kantona („Službene novine Zeničko-dobojskog kantona“, broj: 19/21).

U toku 2022. godine, Upravni odbor Agencije održao je dvanaest (12) redovnih sjednica, u okviru kojih je razmatrao ukupno 43. tačke dnevnog reda, te donio dvanaest (12) zaključaka i dvije odluke.

Svi zaključci i odluke, koji su doneseni na sjednicama Upravnog odbora, su usvojeni jednoglasno.

II - IZVRŠENJE PROGRAMSKIH CILJEVA AGENCIJE

Osnovni ciljevi Agencije za privatizaciju Zeničko-dobojskog kantona (u daljem tekstu: Agencija), definirani su Programom rada Agencije za 2022. godinu, i isti predstavljaju nastavak aktivnosti iz ranijeg perioda, odnosno nastavak aktivnosti iz 2021. godine.

Upravni odbor Agencije je vršeci svoja ovlaštenja, istrajavao na što uspješnijem ostvarenju ciljeva i zadataka sadržanih u Programu rada Agencije za 2022. godinu.

2.1. Privatizacija

U toku 2022. godine, objavljena su ukupno tri (3) javna poziva za prodaju putem aukcije i neposredne pogodbe predmeta u maloj privatizaciji, na kojim pravo raspolaganja i posjeda ima prodavac TP „Nova trgovina“ d.d. Žepče. Od toga jedan poziv je bio neuspješan.

Uspješno je okončana prodaja dva predmeta putem neposredne pogodbe i sedam predmeta putem aukcije.

U protekloj godini, nije došlo do prodaje predmeta iz veterinarske i komunalne djelatnosti, kao ni predmeta iz velike privatizacije, iz razloga, koji se ponavljaju iz prethodne 2021. godine.

III - NORMATIVNI DIO

3.1. Upravni odbor Agencije je utvrdio prijedlog Finansijskog plana Agencije za 2022. godinu, Zaključkom broj: 15-01-13/22 od 22.02.2022. godine, na koji je Vlada Zeničko-dobojskog kantona dala saglasnost, Zaključkom, broj: 02-11-5354/22 od 31.03.2022. godine.

Programiran propis: da

3.2. Upravni odbor Agencije je utvrdio prijedlog Pravilnika o plaćama i naknadama radnika Agencije, Zaključkom broj: 15-01-26/22 od 10.06.2022. godine, na koji je Vlada Zeničko-dobojskog kantona dala saglasnost, Odlukom, broj: 02-02-10326/22 od 28.06.2022. godine.

Programiran propis: ne

Razlog donošenja: Prijedlog Pravilnika o plaćama i naknadama radnika Agencije se donosi u skladu sa odredbama člana 13. stav (2) Zakona o Agenciji za privatizaciju Zeničko-dobojskog kantona („Sl. novine Zeničko-dobojskog kantona“, broj: 4/97, 15/97, 6/01, 8/10 i 15/17) i člana 14. stav 1. tačka 4. Statuta Agencije za privatizaciju Zeničko-dobojskog kantona („Sl. novine Zeničko-dobojskog kantona“, broj: 9/99).

3.3. Upravni odbor Agencije na sjednici održanoj dana 13.12.2022. godine, je prilikom razmatranja Informacije o stanju sudskih sporova, u kojim je stranka u postupku Agencija, donio Zaključak, broj: 15-01-42/22 o pokretanju inicijative da se putem Ministarstva za pravosuđe i upravu Zeničko-dobojskog kantona i Kantonalnog pravobranilaštva Zeničko-dobojskog kantona, razmotre mogućnosti dopune odredbi člana 11. stav (3) Zakona o pravobranilaštvu („Sl. novine Zeničko-dobojskog kantona“, broj: 12/13), u smislu obavljanja poslova pravne zaštite, odnosno zastupanja Agencije u sudskim sporovima, čija je vrijednost iznad 50.000,00 KM. Predmetni zaključak je dana 21.12.2022. godine, dostavljen Predsjedavajućem Skupštine Zeničko-dobojskog kantona na dalje postupanje.

Programiran propis: ne

Razlog donošenja: Agencija nije u mogućnosti obezbjediti punomoćnika za zastupanje u sudskim sporovima vrijednosti preko 50.000,00 KM, shodno odredbama čl. 301a. Zakona o izmjenama i dopunama Zakona o parničnom postupku ("Sl. novine Federacije Bosne i Hercegovine", broj: 98/15), u kojim slučajevima se mora angažovati advokat.

IV – STUDIJSKO-ANALITIČKI DIO

4.1. Upravni odbor Agencije je Zaključkom, broj: 15-01-12/22 od 22.02.2022. godine, usvojio Izvještaj o radu i poslovanju, toku i rezultatima procesa privatizacije Agencije za 2021. godinu, na koji je Vlada Zeničko-dobojskog kantona dala saglasnost, Zaključkom, broj: 02-30-3531/22 od 04.03.2022. godine.

Programiran propis: da.

4.2. Upravni odbor Agencije je Zaključkom, broj: 15-01-14/22 od 22.02.2022. godine, utvrdio prijedlog Programa rada Agencije za 2022. godinu, na koji je Vlada Kantona dala saglasnost, Zaključkom, broj: 02-30-5355/22 od 31.03.2022. godine.

Programiran propis: da.

4.3. Upravni odbor Agencije je Zaključkom, broj: 15-01-15/22 od 22.02.2022. godine, utvrdio Izvještaj o radu Upravnog odbora Agencije za 2021. godinu, koji je Vlada Kantona prihvatila Zaključkom, broj: 02-30-3532/22 od 04.03.2022. godine.

Programiran propis: da.

V – OSTALI POSLOVI I ZADACI

5.1. Upravni odbor Agencije, u skladu sa nadležnostima propisanim zakonom i statutom, temeljem Zakona o računovodstvu i reviziji u Federaciji Bosne i Hercegovine, Odlukom broj: 15-01-10/22 od 22.02.2022. godine, je usvojio, godišnji Finansijski izvještaj Agencije za 2021. godinu, te Elaborat o izvršenom redovnom godišnjem popisu imovine, obaveza i potraživanja Agencije sa stanjem na dan 31.12.2022. godine, Odlukom broj: 15-01-11/22.

5.2. Upravni odbor Agencije je Zaključkom broj 15-01-21/22 od 16.03.2022. godine, usvojio Izvještaj o provedenom postupku tzv. male privatizacije, po Javnom pozivu broj: NP-116 za prodaju imovine u posjedu TD "Nova trgovina" dd Žepče metodom neposredne pogodbe. Radi se o nekretninama, koje se nalaze u Žepču, u ul. Stjepana Radića, označene sa k.č. broj 419/15 zv. „Dvorište“, poslovna zgrada u privredi površine 118 m² i dvorište površine 2205 m², i k.č. broj 419/17 zv. „Dvorište“, dvorište površine 60 m², upisane u Posjedovni list broj 113 k.o. Žepče Grad.

5.3. Zaključkom, broj: 15-01-33/22 od 17.08.2022. godine, Upravni odbor Agencije je usvojio Izvještaj o izvršenju Finansijskog plana Agencije za period januar-juni 2022. godine.

5.4. Zaključkom, broj: 15-01-42/22 od 13.12.2022. godine, Upravni odbor Agencije je primio na znanje Informaciju o stanju sudskih sporova u kojim je stranka u postupku Agencija za

privatizaciju Zeničko-dobojskog kantona (stanje na dan 08.12.2022.g.). Napominje se, da je Informacijom obuhvaćeno ukupno pet (5) predmeta, od kojih je dva predmeta pokrenula Agencija a tri (čija ukupna vrijednost iznosi 157.804,55 KM), se vode protiv Agencije. Valja reći da su dva predmeta, koji se vode protiv Agencije, trenutno u fazi prekida, do okončanja postupaka po izjavljenim vanrednim pravnim lijekovima, koji su u direktnoj vezi sa ovim postupcima.

VI – OCJENA STANJA I PROGRAMSKA ORIJENTACIJA

Rad i poslovanje Agencije za privatizaciju Zeničko-dobojskog kantona u 2022. godini, odvijali su se u skladu sa zakonskim propisima, općim aktima Agencije, stavovima Vlade Zeničko-dobojskog kantona, te zaključcima Upravnog odbora Agencije za privatizaciju Zeničko-dobojskog kantona.

Direktor Agencije se pridržavao preporuka, zaključaka i odluka Upravnog odbora Agencije.

Umanjeni i nedovoljni predmeti privatizacije sa izvjesnim zastojem u toku privatizacije, nisu posljedica rada Agencije, nego utjecaja niza faktora, počev od nepovoljnog poslovnog ambijenta, nedonošenja propisa koji bi usmjerili privatizaciju preduzeća iz javne djelatnosti, nedefinisane ponude, odnosno predmeta privatizacije i sl.

Finansijski izvještaji su istinito i objektivno prikazali finansijski položaj i rezultate Agencije za privatizaciju Zeničko-dobojskog kantona.

**Predsjednica Upravnog odbora
Agencije za privatizaciju
Zeničko-dobojskog kantona**

Jasminka Biogradlija